

չիրին մինչև ցայժմ. ևս ի ժամանակիս յայսմ գնա-
ցեալ նա բնակեցաւ ի Ծռանկատան:

Դչի օրս (4 Գ-Նէ-) եազու եղեւ տօնանմային:

Եւ Եչիս (5 Գ-Նէ-) զՔլանտրան կախեցին. և էին
փոյթ ի գնալ:

Եւ օրս խորհուրդ արարեալ քաղաքացւոցս եւ
ուղարկեցին թուղթ առ նւիրակն Էջմիածնայ, որ եւ
կեալ էր ի Պուրսա վասն ի տեղս գալու եւ նւիրա-
կելոյ, եւ տեղացւոցս զայս թուղթ ուղարկեալ առ
նա, որ ունէր օրինակ զայս. ի Կոստանդնուպօլսոյ Զ
եկեղեցոյ իշխանաց, աթոռակալից, եկեղեցպանաց և
այլ հասարակ քահանայից, ժողովրդեան մեծամեծաց
եւ փոքունց եւ այլ եկք եւ բնիկք Հոռմցոցս ամե-
նայնի. ուշ լիցի քեզ Արեւելցի Մարտիրոս եւ Մով-
սէս վարդապետդ եւ նւիրակդ, պարոնտէրդ եւ փիլի-
սոփայդ, որ լու եղև փափաքելի և սխրալի գալուստ
քո առ անարդ և մոլի, յիմար և տմարդի Տունս Յու-
նաց: Խնայելով ի քեզ գրեմք, վասն Աստուծոյ ի բաց
լե՛ր. խունկդ եւ մոմդ քեզ, եւ զայն ի կարգին: Զի
եթէ ի Թոխաթ եւ ի Կեսարիայ եւ յԱնկուրիայ հոգևով
սրբոց և բանիւ Տեառն չըջէիր, լի արարիւր որ մինչև
յրօքնկունս: Ապա որ նաւթ և խօիւ, ծծումբ և վուշ
ծոցեալ ես, ո՞ւր ընթանաս, առ ո՞վ ձեմիս, զորո՞ց
թերին ընուս, կամ զո՞ր պատուելոցս զհակակայն ներ-
գործես. զո՞յ կամ գտանի՞ն յեկեղեցիս անկիւնավէմ,
կամ ցըցապինդ սեղան, կամ սրբատաշ կամար, կամ
պընդախարիսիս սիւն, կամ պռամած հիմ մինչև ի սեմն
և ի բարաւորն¹⁾ որ ի ձէնջ ոչ խախտեցան, և շար-
ժին եւ խըխայթին եւ խորովասիրտ մորմօքին. զի թէ
յաչս մեր եւ Քրիստոսիս մեր ժպրհնցէք, յանդգնե-
ցայք, խիզախեցէք, անամօթացայք՝ հնարելով, որս-

1) բարավարն.